

欽定戶部漕運全書

欽定戶部漕運全書卷十五目錄

兌運事例

沿途攢運

沿途饋運

一江安蘇松二糧道例應遞年輪委

員特選

二進幫船催過臨清乾隆五十二年輪應江安糧道押運因河清等三閘一帶水淺奏明飭令該道董世明先赴山東江南交界處所會同淮徐運河二道上下籌催俟二進幫船全入閘河仍卽尾催前進

乾隆五
十三年

一漕船行走幫次向以山東德正幫爲首河南之通州天津二幫次之繼以山東之濟左濟右

九幫再繼以河南之德左臨前臨後等八幫銜
尾北上方繼以南糧首進乾隆五十三年臨清
閘外衛河水淺德正一幫兌足開行而通天二
幫仍在元城館陶一帶起撥若必令該二幫跟
接德正行走未免耽延奏明卽令在後之濟左
等幫挨次前進不必拘泥成例日後通天等幫
抵臨令其插幫前進不致擁擠

乾隆五
十三年

一山東河南二省距通州程途較近各令該糧
道管押抵通江南省向係江安蘇松二糧道內

輪派一員押抵臨清今應直押抵通浙江省雖
程途稍遠該糧道押運抵通後速卽回任辦理
新運不致貽誤惟江西湖南湖北三省程途較
遠若一律直押抵通回任未免較遲應令該三
省糧道押抵臨清後卽行回任自臨清以北卽
交本幫丞倅押運抵通并令山東糧道就近上
下催儼總漕爲之督押

乾隆五
十三年

一豫省撥運直隸保定雄縣二處兵米赴天津
北倉交卸向係責成山東糧道眼同北倉委員

交兌今河南糧道既經押運抵通其運津米石

卽令自行督交

乾隆五十四年

一浙省漕船原按嘉興湖州杭州三府程途遠近挨次行走因乾隆五十二年守凍之杭頭等九幫抵次較早兌米在先其餘各幫抵次較遲兌開需時將已兌之幫暫列首進一年以資調劑

劑

乾隆五十四年

一直省起運漕糧該糧道遵新例督押抵通始行回任應照舊例出具船米無虧切實印結送

部以昭慎重

乾隆五十四年

一乾隆五十五年恭遇

聖駕東巡回鑾自濟寧登舟時當三四月間正漕船銜尾北來之際若因迴避停泊未免守候稽遲欽奉

諭旨令各幫漕船於御舟經過時暫在岸旁排列所有商民船隻著卽照漕船之例准於兩岸暫泊俟御船一過卽可遊行等因欽此

一南糧前二進各幫船輓入東境遇有淺澀將

暫留北河之山東撥船三百隻調回備撥按次

輓出東境

乾隆五十五年

一安徽省繁昌縣所轄江西係重運回空漕船經由要地嗣後空重漕船過境該縣知縣爲督催荻港司巡檢爲專催遇阻風遲誤等事爲其專責免致諉卸

乾隆五十七年

一乾隆五十七年江西九江幫船在黃河遇風漂沒米石淹斃人口欽奉

諭旨此項船隻或由沿途派出員弁惟知催儻前進不

顧風色以致猝遭暴風救護不及亦未可定各省幫
船固不許無故逗遛倘遇風色不便亦不可冒昧開
行致有疎虞著傳諭管幹員暨沿途督撫及巡漕御
史等通飭派出各員弁於催催漕船時宜留心察看
設見風色不利不妨暫行停泊以昭慎重若遲丁舵
工人等因有此旨輒忽無故逗遛又當實力嚴催不
得任令遲延也又聞漕船改小者多而載米反過重
亦不可不留心將此各諭令知之欽此

一山東臨清一帶雨水短少衛漳汶各水日消

江廣十幫經過古淺非起撥不能前進但民船較少現有回空之大河前等幫船卽日抵臨暫令添撥江西米石輓出柘園卽檄駛回入閘南

下無悞

乾隆五十七年

一頭二進回空船遇衛河水長簾緯難施令各幫用小船在河中下錨齊集緯夫輓令順水前行並多雇小船在兩岸河灘處所指引護送

乾隆

五十九年

一乾隆五十九年欽奉

諭旨本年漕船因春夏之交衛河水淺行走不能迅速
節經據奏派員分段挖淺設法攢運以利通行原擬
於全漕抵通時將總漕及催押委派各員交部議敘
但現在漕船抵通比交上年遲至一月有餘皆由該
漕督等不能沿途催攢行走耽延所致本應予以議
處姑念此次全漕抵通尙在白露以前比從前遲到
在白露以後者爲期較早著從寬免其議處如明年
漕運再有遲延必治以應得之罪不能再邀寬貸也

欽此

一山東韓莊閘至濟寧之石佛閘一帶湖河相
連緯道斷續各幫輓運維艱過閘脫空壩上停
斛待運經倉場侍郎奏明

勅下山東撫臣派委能事大員前往緯道斷續各處所

一面豎標一面趕修並多備緯船護漕引路務

期糧船安速前進如期抵通以供壩上起卸

嘉慶

三
年

一江淮七幫渡江脫誤領運千總照溺職例革
職仍令戴罪押運抵通交卸漕運總督梁肯堂

及糧道總運通判分別降調內有革職留任之
案無級可降者應行革職奉

旨梁肯堂從寬免其革職

嘉慶四年

一常白幫並未跟接渡江押運通判及領運千
總分別議處至沿途催漕各員仍令查取職名

送部議處

嘉慶四年

一寧太等幫漕船脫空三十二日倉場叅奏奉

旨將押運官弁交部嚴議續據漕運總督查明脫空三

十二日係九幫籠統計日期多寡不同並非

一幫脫空三十二日各船到壩完糧亦未達限

奉

旨押運官員照例免其議處

嘉慶四年

一催漕委員除沿途與衛備相近處所概令就近催餉外其餘必須需人地方派千總十五員並令該備等公同保舉稍蹈陋習連保官一體

查叅

嘉慶五年

一浙江紹興前幫在蘇常一帶脫空迨至江口先過船入隻餘船經巡漕親督嚴催始行續渡

又安慶前後兩幫開幫既遲船行又緩將玩誤幫船之紹興衛守備及安慶前後兩幫千總均

革職

嘉慶七年

一湖南三幫委押空運千總任聽各船沿途航

延咨部斥革

嘉慶八年

一每年江西漕船探知湖廣幫船有過九江之

信方始開行嘉慶八年欽奉

諭旨催令迅速開行毋庸守候湖廣幫船過關始行跟幫前進又江浙兩省幫船何處先兌卽令先開

江浙江廣各幫不論何處先到卽先渡江過淮
以免守候

一嘉慶八年欽奉

上諭鐵保奏回空糧船全過張秋查明出力人員保奏
一摺本年黃水漫溢灌入運河漕船回空在張秋迤
北未渡各幫經總兵博奇帶同將弁及漕務各員設
法催輓現已全數渡入正河一無損失連幫南下不
誤開兌之期所辦甚好總兵博奇著加恩賞戴花翎
仍交部議敘叅將八十衛守備漆光煒衛千總孫繩

祖朱廷蘭李含馨路逢堯冒險催僨守備周官堵築
漫水並催提船隻均著加恩賞給陞銜頂帶外委何
普首先探路著卽以河營把總陞用其隨同押催之
遊擊李仲炳等八員交該督撫分別記功所有現在
加恩各員務宜倍加奮勉俟來丁重運北上時該員
等果能催輓妥速俾全漕早達天庾屆時再降恩旨
欽此

一嘉慶八年回空漕船僨渡無誤奏准將漕標
出力及河工地方出力文武各員弁交部議敘

兵部吏部會議列爲一等各員給與紀錄二次
列爲二等各員給與紀錄一次

一嘉慶九年欽奉

上諭費淳鐵保奏南糧首進幫船全過張秋遵旨查明
出力人員懇請加恩一摺此次糧船輓運經費淳鐵
保博奇等豫籌設法催僱俾糧艘得以安速前行現
在首進二十四幫全數渡過漫水並無疎失二進幫
船亦卽跟接前進實爲出力可嘉費淳鐵保博奇均
著交部議敘鐵保係該省巡撫兼管一切災賑事宜

實力愛民均臻妥協並著加賞太子少保銜以示優
獎至在事出力之主事銜署運河道王念孫濟東道
秦震鈞濟南府知府張鵬昇籌辦運道督理災務不
辭勞瘁王念孫著給予四品頂戴實授運河道秦震
鈞張鵬昇均著交部議敘其單內開列之河標遊擊
常清元漕標遊擊李仲炳均著以應陞之缺陞用河
營千總竇吉祥撫標千總宋愷著各按河營地方以
應陞之缺遇缺先用濟寧州知州金湘青州府同知
安興阿原任洺河同知王穀署捕河通判下河通判

沈惇彝著各照木職給與陞銜頂戴都司銜河營守
備孫吉仁著加賞遊擊陞銜濰縣知縣邵葆醇郟城
縣知縣周履端滕縣縣丞金茂條壽東汛主簿羅洋
垛莊司巡檢祁鎬著各於本任內加一級候補知縣
譚文謨河東候補縣丞孫大蘇冒冠德畱東候補主
簿稽會嘉著以應陞之缺先行補用至原在膠州知
州張懷清原任濮州知州李恩書著以原銜先行借
補縣缺候補縣丞陳應燮遇有縣丞缺出卽行補用
書吏黃友琴賞給從九品職銜又據另片奏江蘇舉

人陳鴻緒幫同繕辦一切章奏尙爲得力著加恩以七品小京官補用欽此

一嘉慶九年二進糧船因東省開河內外水勢淺弱草寺蔣家園至四女寺一帶淤淺特甚因無撥船該丁等自行刮挖並用小划船輪轉起撥以致延滯欽奉

上諭查明草寺等處地方係何員督辦交部嚴加議處
欽此

一嘉慶九年欽奉

上諭顏檢奏報三進幫船全數輓過故城縣境並將在
事出力人員查明具奏該員弁等於辦理挑濬事宜
尙能認真妥速俾全漕輓運過境不致稽遲所有天
津道胡鈺河間協副將祥啟故城縣知縣翟萼雲河
間府同知李奉瑞河營守備謝成故城縣縣丞孫崧
褒薊州州判周景俱著加恩交部分別議敘又據另
片奏因公降調之原任故城汛把總杜永清於挖淺
事宜極爲諳練此次幫同辦理挑濬認真出力懇請
開復原官等語杜永清著加恩准其開復仍以把總

留於該處補用欽此

一安徽省池州寧太安慶前後四幫漕船節次
催提池州一幫跟接浙江尾船輓進瓜口已屬
過遲其餘三幫尙稱受兌採買米石尤屬玩誤
將押運同知千總交部分別議處仍令戴罪督
押抵通

嘉慶十年

一嘉慶十年欽奉

上諭本年全漕渡黃比較上年遲至五十餘日鐵保現
在清江防汛徐端係專管河務乃未克先事預籌俾

河口通暢剋期前進均難辭咎鐵保徐端俱著交部
議處漕運總督古綸職司漕務咎亦難辭本年重運
遲逾實由河道難行所致其自請嚴議之處亦著改
爲交部議處欽此

一江西永建幫千總周昇並不督率丁舵趕輓
一任行走散漫以致阻壓後幫將脫空之丁舵
按名枷責千總周昇叅奏革職仍令贓罪督押
抵通如沿途再有脫空及交倉虧短加倍治罪

嘉慶十

一年

一嘉慶十一年奉

上諭鐵保等奏催償重還同空之員外郎江蘭副將鄭敏等本年跋涉河干不辭勞瘁現在坐運渡竣遵旨奏請加恩並據江蘭呈請情願在京職上効力等語江蘭在南河効力尙爲奮勉著准其回京加恩以郎中陞補副將鄭敏汪德候補道裴世璘署知州李敷文守備劉俊等於奉派催運辦公亦屬出力俱著照所請加恩一併交部議敘欽此

一嘉慶十二年奉

上諭鐵保奏寶應一帶有積凌十餘里糧船不能前進甘泉縣荷花塘地方亦因上游浮冰下擁以致凝積該廳縣不先乘冰薄之時隨凍隨敲致礙糧運實屬玩誤不可不懲處示儆著照所請將署揚糧通判單祿昌寶應縣知縣唐先甲署甘泉縣知縣潘鎔均先行摘去頂戴暫畱各本任趕辦回空該汛千總卓林把總張邦盛著摘去頂戴並捆責三十棍如果該員弁等能將冰凌敲打儼辦無誤全漕過竣再行開復如有玩愒並當另行參辦現在已屆冬臘所有已入

江境陸續渡黃各船該督等惟當上緊催催遇有流
漸擁積之處迅爲設法疏通俾得及早歸次無誤冬
兌冬開定限並著該督於糧艘全數渡黃時卽行奏
聞欽此

一嘉慶十三年奉

上諭本年重運八十餘幫於五月十五日全數渡黃完
竣比較近年俱早至一兩月皆由河流通暢得以順
利遄行而該督等相機預籌催儻亦屬出力自宜量
予恩施鐵保徐端蔭彬圖及巡視南漕給事中安柱

均著加恩交部議敘其分派沿途催餉文武各員弁並著該督查明各部議敘欽此

一嘉慶十三年奉

上諭據巡漕給事中韓克均奏請定豫東漕船行走次序一摺所奏尙是豫省漕船向例皆冬兌冬開而東省則須俟今春始能兌竣開運乃愿來辦理拘泥豫漕於行抵德州後必須守候東省之德州正幫開行始將豫省之通天二幫跟接前進該二省隨後各幫又須彼此參錯行走動輒停留以致旗丁等多所賠

累自應變通辦理嗣後著漕臣等轉飭各員弁所有
豫東兩省幫船不必拘定德正通天四字名色排列
先後行走惟當隨時察看無論何省何幫輓運在先
均著隨到隨行挨次前進毋許稍有停滯以利漕運
欽此

一嘉慶十三年戶科給事中嚴烜條奏漕務事
宜一摺奉

上諭給事中嚴烜條奏漕運事宜一摺朕閱所奏各款
內如淮安盤驗宜加迅速一款向來南漕御史俱在

瓜儀一帶督催漕船此外遇徒陽挑挖運河間須過江查勘並無須該御史往蘇州一帶迎提漕船之例近年來該御史等往往以迎提漕船爲名越境遠行實多騷擾嗣後著照定例毋許遠涉所有江蘇及浙江各幫責成江蘇巡撫就近嚴催其南漕御史應於幫船到淮之時會同漕運總督迅速盤驗以免渡黃稽緩又糧船吃水宜按照定例一款糧船吃水例不得過四尺近緣旗丁等於例外多帶土宜以致吃水過多行走紆緩甚至停泊售賣到處稽遲著照該給

事中所請交漕運總督及沿途催餉各員申明定例毋得多帶貨物任意停畱又漕標委員不宜太多以防滋擾一款所論甚是漕船出境入境除巡漕御史之外又有沿途地方文武節節提催已爲周密該漕督卽因幫船過關之時間須委員照應亦屬無幾乃據該給事中所奏近因漕標効力人多營求差使遂致紛紛派委本年多至八十餘員殊滋流弊此輩營求前往不過圖得餽遺索借資斧又因派委分駐各關卽經手雇覓夫役尤得乘便浮冒甚爲旗丁之累

不可不大加刪減如本年漕運節節阻滯此八十餘員亦不過袖手旁觀何益之有嗣後該漕督不得任意濫委問有不得不酌派數員前往照料之處亦祇許令其協同催輓毋得經手雇覓夫役以杜弊竇又直隸鄭家口地方宜派專閫大員駐劄專催一款故城縣鄭家口地屬直隸是以臨清德州兩處武員或在鄭家口以上或在故城縣以下分投催僭獨於該處糧船停泊俱不過問不無遷延情事亦著照該給事中奏交直隸總督每歲派委叅遊人員專駐該

處催償又所奏臨清衛守備向來駐劄濟寧於每歲
新漕北上之時飭令移駐催償一款亦屬可行至所
稱東境開河期限太寬宜量爲嚴緊一款所奏非是
糧船入閘出閘定限四十二日其間上水下水遲速
難齊風色尤無一定若如該給事中所請自臺莊至
分水口定限二十日下至臨清定限十二日在下水
風順之時原可迅速無誤期限適遇上水頂風牽輓
費力又豈能一律如限邇年各處催償情形不遺餘
力所有糧船入閘出閘祇須於統限無逾已爲妥速

若再事嚴緊恐窒礙難行仍屬有名無實也欽此

一嘉慶十四年奉

上諭吳璥等奏雪後嚴寒回空阻凍現在竭力敲冰設法籌催在後各幫情形一摺漕船回空必當及時歸次受兌方無誤來年重運該河督等自應不分畛域隨時籌備催償豈得互相推諉本年邳宿運河旣因東境水小別無來源吳璥等卽當於回空各幫未入江境之前預爲籌辦於各淺處築壩擊蓄以利償行而東省開河蓄水微弱維時馬慧裕職任東河其應

如何疏濬籌蓄亦卽當爲未雨綢繆之計非陳鳳翔甫經到任者可比乃吳璥等總存一分疆畫界之見殊爲非是現在已入江境幫船在邳宿一帶境內者尙有三十八幫竟至節節凍阻皆由該河督等互相推諉未能及早籌辦所致吳璥徐端馬慧裕均著傳旨申飭仍交部議處漕運爲天庾正供設有誤來年重運所關匪細所有現在凍阻各幫吳璥等卽當設法籌催迅速歸次受兌無得再有阻誤其需用打凌船隻器具以及兵夫飯銀添雇緯夫輓運等費均著

吳璫徐端馬慧裕及該承辦道將等按數分賠不准
開銷欽此

一嘉慶十五年奉

上諭陳鳳翔吉綸奏將催漕出力人員開單進呈懇請
加恩一摺本年南糧幫船始入東境因汶泗水弱未
能濟運行走稽遲經陳鳳翔吉綸督率文武各員或
經理起撥或挑疏淤淺俾在後各幫銜尾過行已於
本月十四日全數出境雖較上年稍遲十餘日而計
東省入境日期尙屬有速無遲該員等認真催儆不

辭勞瘁自應量加獎勵道員保麟徐國楠副將常清
元額爾畢濟呼候補知府唐邦彥知州愛星阿均著
交部議敘試用同知王康父州同周爾圭府經歷李
俊文均著儘先補用州判龔慶祥千總葉雲龍劉大
用均著儘先陞用守備張紹甲著賞給都司職銜其
另片奏掣回通判馮召棠晝夜儻運頗知奮勉馮召
棠著加恩賞還頂戴仍畱東河俟有通判缺出另行
補用欽此

一嘉慶十五年奉

上諭齡椿奏迎提南糧頭進幫船並查勘沿河水勢情形一摺據稱前赴天津迎提南糧頭進幫船卽於沿河親身測量水勢其深處自三尺至五尺不等古淺處所尙有水二尺五寸以上足資浮送等語近來畿輔雨澤稀少通州一帶水勢未免日見消落但不日南糧銜尾而來幫船人數較多卽驟汲所需消耗亦復不少恐河身愈形淺涸糧艘致有延攔著該巡漕會同倉場侍郎督飭沿河地方員弁將通州以下淤淺之處迅集人去逐加刮挖務令一律深通舟行順

利並多備撥船以資撥運仍遵前旨將頭進幫船嚴行催償務於二十內外趕抵通壩毋致遲逾爲要將此傳諭齡椿並諭令玉寧戴均元知之欽此

一嘉慶十五年奉

上諭巡視東漕御史吳邦慶等奏湖南三幫尾船於八月十四日全出東境一摺本年漕船在東境行走共計一百二十五日較上年在東行走日期雖少二十二日而比較上年七月二十六日全出東境之期則又遲十八日若在直隸境內再有耽延而到通後起

卸不速恐回空遲滯沿途必致有凍阻等情將來一切費手著傳諭倉場侍郎於幫船抵壩以後務卽督同坐糧廳隨到隨驗趕緊起卸不可稍有遲緩其未經抵壩各船並著傳諭福克精阿薛大烈上緊攢行勿使在途遲滯如有古淺之處應行撈挖撥運者均著隨宜妥爲辦理不可貽誤將此傳諭玉寧戴均元並諭福克精阿薛大烈知之欽此

一嘉慶十五年奉

上諭本年糧艘過津直隸籌辦撥船沿途催攢各員尙

俱出力前降諭旨令溫承惠查明保奏今據該督將
實在出力人員開單請旨所有候補知府彭應杰河
間府同知宋繼光候補同知李逢瑞楊村通判劉四
順候補通判徐登鑾故城縣調任長垣縣知縣翟萼
雲通州石壩州判鄭以簡試用縣丞宋道燧張循梅
代理滄州州判從九品李景弼試用從九品沈文毅
通州協副將德俚佈河間協副將張國楹候補副將
多隆武務關營叅將慶昌磚河遊擊劉志仁天津鎮
中營遊擊李昆靜海營都司博明景州營守備疆阿

太四黨營守備李士剛故城汎把總杜永清俱著交部議敘又另片奏東路同知陳世相緣事降調此次催查撥船頗爲迅速懇請就近在直捐復陳世相著加恩准其捐復留直差委吏部知道摺單併發欽此

一嘉慶十七年湖南二幫起運船隻兩旁跨木未曾卸淨經漕督飭令砍卸跟幫償行該幫押空千總藐玩不遵咨明兵部彙題斥革

一嘉慶十七年淮安頭大河前兩幫因洪澤湖積水較弱禦黃束清兩壩堵閉重船未能冬底

渡黃漕督奏准將已兌糧船移赴就近水深處
停泊俟束清壩開放卽將米石盤驗北上

一嘉慶十八年因江廣尾後各幫船身較重行
抵楊村已在八月下旬水勢不敷行走倉場侍
郎奏明自安福幫以後俱令在楊村起撥軍船
就近回空

一嘉慶二十年漕督奏准各省漕船帶裝貨物
若因勾水稍有參差卽將貨物掀卸轉恐耽延
時日應按照加裝米數喫水止增四五寸者准

其加緯行走毋許脫空即使衛河來水長落不一亦毋庸於臺莊等處相距四五百里之遙豫行勾水掀卸

一嘉慶二十年奉

上諭潤祥奏通盤籌酌三進未到各幫奏聞辦理一摺前因御史賽嘆額奏三進尾幫至八月十三日尙有十五幫未過津關恐轉運不及有誤回空是以降旨諭令該倉場侍郎通盤籌議必須截卸則在北倉囤貯原係必不得已之舉本日天津鎮總兵祥啟奏報

三進尾幫湖南三幫已於八月十三日挽入直隸安
陵汛境比較上年入境日期計早三十八日等語現
在漕船尾幫業已僨入直境既較上年早至月餘爲
期並不追促自應全數運通方爲正辦何得以前旨
有截卸北倉之說有意遷就不行趕辦潤祥刻下已
前赴天津著卽督飭地方文武及漕務員弁等上緊
嚴催該侍郎等仍遵照前議章程輪轉迎撥俾全漕
悉達天庾不得遲迴觀望一經截卸更多增繁費也
將此諭令知之欽此

一嘉慶二十年湖北頭幫各船攜帶木植喫水
過重行走遲延將押運千總奏參革職

一嘉慶二十五年南糧重運北來行走遄速南
屆七月中旬卽已全數回空且本年各幫米色
俱皆乾圓潔淨倉場侍郎等剋期驗收毫無畱
滯奉

旨傳諭有漕省分各督撫及漕運總督一切交兌催償
事宜均照此次辦理督運各員前經施恩外那彥成
莫晉及坐糧廳司員王英沈蘭生俱著加恩交部議

敘那彥成從前曾戴雙眼花翎著加恩賞戴單眼花翎以示獎勵欽此

一道光五年南糧幫船到津遲滯節節脫空據該倉場侍郎等查明係由直隸之故城山東之恩縣等處河道水勢微弱必須撥運該州縣豫備撥船無多以致各幫船守候日久奏

旨著直隸總督山東巡撫迅卽嚴飭故城恩縣添雇撥船接運如再有遲誤致令各幫船停泊守候卽行嚴叅懲辦並各飭所屬實力催僱務令迅速抵

通冊稍遲逾等因欽此

一漕務委員向來多派候補備弁道光七年奏
准各幫實缺千總二員每年輪一人領運卽有
一人閒運嗣後各開壩照料委員就近派委實
缺千總實缺不敷再派候補備弁如果當差勤
慎卽於次年空缺重運內酌委調劑所有應派
段落分別重運同空酌量裁併開單奏明存案
仍俟每年派委後將銜名人數造冊送部備查
一道光八年五月南糧自大河前首幫抵通後

在後泗州等幫均未能跟接前進據倉場侍郎
等查明因山東臨清閘內外恩縣德州及直隸
故城南皮景州等處水勢微弱撥船不敷輪轉
以致行走遲滯奉

旨著各該省之申琦善各嚴飭所屬州縣即將淺涸處所
設法撈濬深通添備撥船以資起運並嚴飭沿河
文武員弁一體趕緊催催勿任一幫脫空如有遲
誤卽行叅處等因欽此

一道光二十五年欽奉

上諭程喬采奏運河淺阻請多雇撥船並認真撈挖等語山東臨清一帶及直隸故城鄭家口等處爲糧艘經由要道倘有阻滯於漕運大有關係著直隸山東各督撫嚴飭所屬多雇民船輪流接運並多集人夫認真撈挖以利漕行並著河東河道總督亟籌接濟俾重運回空均無遲誤是爲至要欽此

一道光二十五年欽奉

上諭前因中河桃源汎漫口所有在後各幫船亟須設法挽進中河當經潘錫恩奏明趕挑越河勒限二十

日全完計此時定已工竣將漕船送過越河惟念本年軍船過渡業已耽延必應加緊備行以速補遲著兩江總督河道總督漕運總督山東巡撫直隸總督將在後各幫船節節嚴催不准一幫脫空其河身淤淺處所認真挑撈並先期多雇民船預備輪流撥運毋許片刻停留俟抵通後著倉場侍郎多撥人夫速行起卸俾不至守候稽延該督等務當相度機宜通盤籌畫儘辦理不善至回空軍船守凍不能如期歸次惟該督等是問恐不能當此重咎也懍之欽此

一咸豐二年欽奉

上諭楊殿邦奏江廣各幫陸續兌開請飭各關查驗放行不准羈留等語向來江廣幫船經過九江蕪湖龍江等關查驗納稅關書人等往往藉端刁難致稽時日該漕督所奏自係實在情形著九江蕪湖龍江各關監督一俟江廣幫船到關立即查驗放行不准羈留如各幫船於例帶土宜外尙有應繳稅銀卽酌留伍丁令其照數完納俾幫船迅速前行毋致貽誤至各幫丁舵人等沿途售貨任意逗遛該漕督亦應嚴

飭各糧道督率運弁隨時實力稽查催償過行毋任
藉詞延宕並著沿途各督撫派員一律嚴催以速漕
運欽此

一浙江省幫船入東過遲如遇河道淤淺調撥
楊村官撥一千五百隻赴臨清開撥運以期輕
便儻因冰凝難走准照道光五年守凍章程
途凍阻 變通辦理 咸豐 條內 二年
一成豐二年欽奉

上諭漕糧爲天庾正供近來重運漕船不能如期抵壩

以致回空歸次兌收新漕節節耽延本年幫船北上
開行已遲沿途又不實力催償直至通河漸已凍合
尙未全數抵通現將在後之江安重運撥船截卸天
津北倉浙省杭嚴三等七幫由山東打水撥運並有
嘉白等幫尙未報入東境似此任意延玩實從來所
未有刻下節近大雪水勢日消若不趕緊償令歸次
來年新漕受兌必致貽誤關繫匪輕除浙江各幫該
撫請改海運江蘇各幫明年仍分別海運外其餘各
省幫船著漕運總督嚴飭起卸各幫卽日連檣南下

銜尾進行不准片刻停留並著東河南河總督及有
漕各督撫分飭各地方嚴切催提及早歸次來年新
漕尤當迅速辦理按期兌開統於四月初十日以前
催抵清江剋期渡黃毋得因本年回空較晚又復藉
口耽延儻將節次諭旨視爲具文仍致臨時周章有
通例限定將該漕督及有漕各省督撫嚴行懲處決
不寬貸懍之慎之將此通諭知之欽此

欽定戶部漕運全書卷十六目錄

白糧事例

白糧經費

白糧解運

白糧經費

江南省

原額經費銀二十三萬五千八百五十八兩三錢六分三釐三毫零內募船水脚銀一十二萬一千一十八兩六分九釐七毫零 添置提溜銀三萬二百五十四兩五錢一分七釐四毫零 車脚由開銀四萬五千三百八十一兩七錢七分五釐一毫零 總部官公費銀三千兩 總部人役工食銀一千八百兩 協部官公費

銀一萬九千二百兩 協部人役工食銀三千
七百九十九兩二錢 看船糧夫工食銀七千
一百二十八兩 量斛束包挑運人夫工食銀
四千二百七十六兩八錢嗣因白糧改選漕船
裝運將前列各款銀兩照舊徵收其支給項下
全行裁革又除荒缺及乾隆二年改歸漕糧項
下支給並免徵外至道光九年實徵白糧項下
解支銀六萬九百五十三兩二錢八分內給軍
經費漕截負重解支等款銀五萬二千六百八

十九兩六錢八分三釐 千總俸工銀五百八
十七兩四錢三分七釐 隨幫廩工銀一百六
十二兩 解通由關銀五千五百五十五兩七
錢六分 束包人夫工食銀一千九百五十八
兩四錢

白糧項下原額盤用耗米二萬八千五百一石
一斗六升七合零內除坍荒及乾隆二年四十
一年改歸漕糧項下支給免徵外至道光九年
實徵米一萬三千八百五石內各屬應支一半

米六千九百二石五斗白糧幫應支一半米六千九百二石五斗查各屬應支一半米石前於嘉慶五年經前任漕運總督鐵保奏准全給白糧幫丁

運船水手飯米原額一萬八百五十七石七升七合零內除荒缺及乾隆二年四十一年改漕免徵外至道光九年實徵米四千九百六十九石八斗

按起運正米每石給軍飯米七升二合

蘇州府

原額經費銀九萬六千七十九兩四錢一分
六釐八毫內募船水腳銀四萬八千四百四
十二兩三錢四分八釐八毫 添置提溜銀
一萬二千一百一十一兩五錢八分七釐二
毫 車脚由開銀一萬八千一百六十五兩
八錢八分八毫 總部官公費銀一千兩

總部人役工食銀六百兩 協部官公費銀
九千三百兩 協部人役工食銀一千八百
五十一兩六錢 看船糧夫工食銀二千八

百八十兩 量斛束包挑運人夫工食銀一
千七百二十八兩內除白糧改選漕船裝運
停支款項及荒缺分隸太倉州並乾隆二年
改歸漕糧項下支給暨免徵外至道光九年
實徵白糧支給經費銀一萬七千九百二十
五兩五錢六分八釐內給軍經費漕截負重
解支等款銀一萬五千五百四兩四錢三分
七釐 千總俸工銀一百四十五兩三錢六
分四釐 隨幫廩工銀四十兩八分七釐

解通由闕銀一千六百四十五兩二錢八分

束包人夫丁食銀五百九十兩四錢

盤用耗米原額七千七百五十二石五升三
合零內除荒缺及乾隆二年四十一年改歸
漕糧項下支給暨免徵外至道光九年實徵
白糧項下盤用耗米四千五十石六斗內各
縣應支一半米二千二十五石三斗白糧幫
應支一半米二千二十五石三斗查各縣應
支一半米石前於嘉慶五年經前任漕運總

督鐵保奏准全給白糧幫丁

運船水手飯米原額四千三百五十九石八斗一升一合零內除荒缺及分隸太倉州並乾隆二年四十一年改漕減免外至道光九年實徵米一千四百八十石二斗一升六合

松江府

原額經費銀七萬六千二百一十二兩一錢九分四釐八毫零內募船水腳銀四萬三百八十三兩八錢七分三釐七毫零 添籌提

溜銀一萬九十五兩九錢六分八釐四毫零
車脚由開銀一萬五千一百四十三兩九
錢五分一釐六毫零 總部官公費銀一千
兩 總部人役工食銀六百兩 協部官公
費銀四千三百兩 協部人役工食銀八百
四十八兩四錢 看船糧夫工食銀二千四
百兩 量斛束包挑運人夫工食銀一千四
百四十兩內除白糧改選漕船裝運停支款
項及荒缺減免並乾隆二年改歸漕糧項下

支給暨免徵外至道光九年實徵白糧支給
經費銀二萬三百八十六兩一錢八分二釐
內給軍經費漕截負重解支等款銀一萬七
千六百四十一兩四錢一分 千總俸工銀
一百九十五兩八錢一分二釐 隨幫廩工
銀五十四兩 解通由關銀一千八百四十
六兩九錢六分 東包人夫工食銀六百四
十八兩

盤用耗米原額九千九百八十八石四斗六

升二合零內除乾隆二年改歸漕糧項下支給並免徵外至道光九年實徵米四千六百一十七石四斗內各縣應支一半米二千三百八石七斗白糧幫應支一半米二千三百八石七斗查各縣應支一半米石前於嘉慶五年經前任漕運總督鐵保奏准全給白糧幫丁

連船水手飯米原額三千六百石內除荒缺及乾隆二年改漕免徵外至道光九年實徵

米一千六百六十二石二斗六升四合

常州府

原額經費銀六萬三千五百六十七兩七錢
五分一釐七毫內募船水腳銀三萬二千一
百九十一兩八錢四分七釐二毫 添贖提
溜銀八千四十七兩九錢六分一釐八毫

車腳由閘銀一萬二千七十一兩九錢四分

二釐七毫 總部官公費銀一千兩 總部

人役工食銀六百兩 協部官公費銀五千

六百兩 協部人役工食銀一千九十九兩
二錢 看船糧夫工食銀一千八百四十八
兩 量斛束包挑運人夫工食銀一千一百
八兩八錢內除白糧改選漕船裝運停支款
項及荒缺減免並乾隆二年改歸漕糧項下
支給暨減徵外至道光九年實徵白糧經費
支給銀一萬六千四百二十兩四錢三分一
釐內給軍漕截負重解支等款銀一萬四千
一百六十兩二錢九分九釐 千總俸工銀

一百九十五兩八錢一分二釐 隨幫廩工
銀五十四兩 解通由關銀一千四百九十
一兩九錢二分 束包人夫工食銀五百一
十八兩四錢

盤用耗米原額八千七十石五升五合二勺
零內除乾隆二年及四十一年改歸漕糧項
下支給並免徵外至道光九年實徵米三千
七百八石內各縣應支一半米一千八百五
十四石白糧幫應支一半米一千八百五十

四石查各縣應支一半米石前於嘉慶五年
經前任漕督鐵保奏准全給白糧幫丁

運船水手飯米原額二千八百九十七石二
斗六升六合零內除荒缺陞增及乾隆二年
四十一年改漕免徵外至道光九年實徵米
一千三百三十四石八斗八升

太倉州並屬

向隸蘇州府雍正
二年改直隸州

原額經費載在蘇州府項下除白糧改選漕
船裝運停支款項及荒缺並乾隆二年改歸

漕糧項下支給暨免徵外至道光九年實徵
白糧經費支給銀六千二百二十一兩九分
九釐內給軍漕截負重解支等欸銀五千三
百八十三兩五錢三分七釐 千總俸工銀
五十兩四錢四分九釐 隨幫廩工銀一十
三兩九錢一分三釐 解通由關銀五百七
十一兩六錢 東包人夫工食銀二百一兩
六錢

原額盤用耗米二千六百九十石五斗九升

五合零除荒缺及乾隆二年改歸漕糧項下
支給並免徵外至道光九年實徵米一千四
百二十九石內各縣應支一半米七百一十
四石五斗白糧幫應支一半米七百一十四
石五斗查各縣應支一半米石前於嘉慶五
年經前任漕督鐵保奏准全給白糧幫丁
原額運船水手飯米載在蘇州府項下除荒
缺及乾隆二年改漕免徵外至道光九年實
徵米五百一十四石四斗四升

浙江省

原額經費車夫丁字沽雇撥等銀七萬六千六百九十一兩四錢五分四釐內由開銀五千四十兩 買辦墊庫等料銀五千四十兩 蘆席銀三百七十八兩 石壩銀三百六十兩三錢六分 買辦包索搬運過船過淺起撥過溜添置共銀一萬五千七百五十兩 駕軍工食銀一萬五千一百二十兩 運丁行糧銀二千四百九十四兩八錢 運丁月糧銀四千六百五

十六兩九錢六分 經費銀一萬五千九百六
兩三錢六分六釐 存銀一萬一千九百四十
四兩九錢六分七釐九毫嗣因白糧改選漕船
裝運將前列各款銀兩照數徵收其夫給項下
全行裁革又除歸安縣編審減免及乾隆二年
四十一年改歸漕糧項下支給并免徵外至道
光九年實徵白糧項下應給經費銀二萬一千
四百一兩九錢五分七釐零內給軍漕截銀一
萬三千一兩六錢五分六釐 負重銀二百九

計八兩七錢五分三折色月糧銀二千二十六
兩三折色行糧銀一千八十兩 經費食米折
銀二千五百九十三兩八分 由開車夫銀二
千四百七兩四錢一分六釐 由開路費銀五
兩五分五釐零

原額行月經費食米一萬二千二百五十九石
八斗內除折徵並歸安縣編審減免及乾隆二
年四十一年改歸漕糧項下支給外至道光九
年實徵米三千七百八十石內本色月糧米二

千八百八十石本色行糧米九百石

嘉興府

原額經費車夫丁字沽雇撥等銀四萬六千
四百五十七兩六錢四分三毫兩出開銀三
千四十兩 買辦墊庫等料銀三千四十兩
蘆席銀二百二十八兩 石壩銀二百一
十七兩三錢六分 買辦包索等項銀九千
五百兩 駕軍工食銀九千一百二十兩
運丁行糧銀一千五百四兩八錢 運丁月

糧銀二千八百八兩九錢六分 經費銀九
千五百九十四兩三錢一分六釐 存銀七
千四百四兩二錢四釐三毫內除白糧改選
漕船裝運停支款項及乾隆二年四十一年
改歸漕糧項下支給並免徵外至道光九年
實徵白糧應給經費銀一萬三千一百五十
七兩七錢一分五釐零內給軍漕截銀八千
六十二兩二錢九分七釐零 負重銀二百
二十九兩三錢七分一釐 折色月糧銀一

千一百七十六兩 折色行糧銀六百三十兩 經費食米折銀一千五百六十四兩八分 由開車夫銀一千四百九十二兩八錢三分三釐零 由開路費銀三兩一錢三分四釐零

原額經費食米七千三百九十四石八斗內除折徵並乾隆二年四十一年改歸漕糧項下支給外至道光九年實徵米二千二百五十石內本色月糧米一千六百八十石本色行

糧米五百二十五石

湖州府

原額經費車夫丁字沽雇撥等銀三萬二百
三十三兩八錢一分三釐六毫內由開銀二
千兩 買辦墊庫等料銀二千兩 蘆席銀
一百五十兩 石壩銀一百四十三兩 買
辦包索等銀六千二百五十兩 駕軍工食
銀六千兩 運丁行糧銀九百九十兩 運
丁月糧銀一千八百四十八兩 經費銀六

千三百一十二兩五分 存銀四千五百四
十兩七錢六分三釐六毫除白糧改選漕船
裝運停支欸項並歸安縣編審減免及乾隆
二年四十一年改歸漕糧項下支給暨免徵
外至道光九年實徵白糧應給經費銀八千
二百四十四兩二錢四分零內給軍漕截銀
四千九百三十九兩三錢五分九釐零 負
重銀六十九兩三錢七分九釐 折色月糧
銀八百四十兩 折色行糧銀四百五十兩

經費食米折銀一千二十九兩 由開車

夫銀九百一十四兩五錢八分二釐零 由

開路費銀一兩九錢二分零

原額經費食米四千八百六十五石內除折
徵並歸安縣編審減免及乾隆二年改歸漕
糧項下支給外至道光九年實徵米一千五
百七十五石零內本色月糧米一千二百石
本色行糧米三百七十五石

一起解輕齋席木銀兩卽於該年存庫銀內動

支路費毋得將別年銀兩牽連支給起解由開
銀兩於白糧項下支給路費毋得於漕項銀內

動支

康熙五十七年

一運通白糧虧折正項即將旗丁耗米抵補足

數

雍正十二年

一江南蘇松常太四府屬原額經費銀兩乾隆
二年因白糧減額改徵漕糧題定現運白糧項
下徵收支解經費銀三萬八千三百八十九兩
零改徵漕糧項下徵收隨漕支解銀二萬三千

八百八兩零實應減徵銀二萬七百七十七兩

零照數免徵

乾隆二年

一江南省白糧項下額徵給軍經費銀八萬七千五百一兩零從前運白丁船原係照額支領康熙五十六年部議照浙江例支給漕截銀兩餘存解部今白糧改漕所有前項原編經費銀兩除應給等款及實減漕截銀兩外尙餘銀二萬九百五兩零題請免徵部議以白糧改漕一切雜費銀米已於前款議令蠲免所有前項減

存銀兩原係裁減給軍之項非浮加徵收可比
且節年解部充餉已久未便請蠲

一浙省嘉湖二府額徵白糧原編每正米一石
加耗米四斗五升又每正耗白米一石外加春
耗米三斗乾隆二年因白糧減改漕糧每正米
一石祇加耗米四斗題准將加三春耗按數減
免給丁耗米減去五升共免春耗米一萬五千
五百六石零五升耗米一千七百八十二石零

乾隆

二年

一浙省漕糧正米並二五耗每石給漕截銀三錢四分七釐在編徵漕截款內支給本折行月銀米悉於編徵本款項下支給白糧正米並二五耗亦照漕例每石給經費銀三錢四分七釐在於原編車夫銀內動支今改徵粳米應給本折行月等項原與漕例相符應照舊例各就原編本款徵收支給外所有每歲增給食米折銀五千一百八十六兩一錢六分除實起運白糧船六十三隻共應給銀二千五百九十三兩八

分外應請減徵並蠲免銀二千五百九十三兩
八分再漕船遇閏之年每船加給本色月糧米
四石折色月糧銀二兩八錢白糧幫船向不加
閏今改通白粳之船應照漕例給與閏月銀米
以昭畫一

乾隆二年

一白糧改徵正米三萬五千六百四十六石九
斗九升八合照漕規應解通濟庫輕齎枋木松
板蘆席等銀六千六百四十六兩三錢八分零
今將白糧項下解通由閏銀兩內扣抵不敷銀

兩在於車夫欵項支剩銀內照數動支撥解
乾隆
二年

一蘇松常太四府州屬白糧有加三加二耗米
之分其加三耗米之白糧照浙江省例以到壩
二斗五升並支漕截至松常二府白糧有原編
糙梗向係加二耗米已於乾隆二年改漕起運
嗣後永無再支所有從前原支加二耗米內之
漕截免其追繳

一蘇常二府屬額運白糯米三千七百九十六

石乾隆四十一年奉文改徵漕米四百二十二石各按縣額驗算白一十餘石至三十餘石不等查白糧項下耗贈經費銀米較多於漕乾隆二年減白改漕案內爲數頗多將原編銀米抵補隨漕耗贈各款之外餘奉蠲免今每縣所改無多所餘耗費銀米難以按田蠲免將所減白糯米正耗運飯盤用舂辦等項統入漕糧起運隨漕應支贈銀各就本款餘銀支放毋庸再於給軍經費款內改編其原編白糯米所餘銀兩統入

餘存經費款下報撥

乾隆四
十一年

一浙省白糯米改漕僅祇五百七十八石嘉湖二
幫勻改不過二百餘石額運漕白二船毋庸改
易其經費食米折銀亦係照額支給至解通由
開經濟席木稍有改易但統係車夫項下道庫
支解亦無在縣改易應照江省之式一體辦理
惟白糯米項下每正米一石原徵兌軍五升耗米
及縣春辦耗米四斗三升五合亦請一併改徵
漕糧起運以臻一律

乾隆四
十一年

一蘇松等屬起運白糧項下應給束包人夫歲給工食銀一千九百五十八兩四錢又鎮海衛金山幫月糧銀二百八十兩贍運銀七百五十一兩六錢九分五釐向係各縣衛存留徑給乾隆五十四年議令按款起解道庫應支銀兩赴道支給

乾隆五十四年

一江浙白糧運貯通倉毋庸貼交經紀耗米外其改運海運北新二倉米石於到壩時令經紀車戶代爲交倉每石旗丁貼交經紀車戶米三

升六合作爲顛抗折耗之用

嘉慶元年

白糧解運

一江南省白糧向僉糧長解運順治二年題定
官收官解浙江省白糧向係民間春白完納官
爲解運雍正六年題定照江南之例隨漕統徵
官爲春辦

一白糧向係官解每年預雇民船僉委府佐貳
官一員爲總部州縣佐貳官一員爲協部領運
抵通順治十年題准攢廠造船起運順治十一
年題准於漕船內分帶順治十二年以漕船不

便分帶題明仍行官運順治十八年題請將減
存漕船解運嗣後仍雇民船起運康熙三年浙
江白糧題准於清幫抽選並添造船隻裝運康
熙十四年江南省白糧亦經題准抽選漕船裝
運五年一次更換改設千總領運隨幫押空江
南省添設領運千總八員隨幫官四員浙江省
添設領運千總四員隨幫官二員康熙四十二
年蘇松常三府白糧題准於江淮興武等十一
幫無欠丁船內抽選五年一次輪運康熙五十

六年題准停止輪運雍正四年以白糧運費多
於漕糧額定仍照舊例於通省漕船內抽選堅
固船隻歷年無欠殷丁公同掣運五年一次更
替如有掛欠卽捆打革運追賠照監守自盜律
治罪

一白糧米石與由關銀兩總屬正項其完欠分
數應以銀米總計合算如有未完照例議處
十二年

一州縣各官交兌白糧照漕糧一體冬兌冬開

不許遲悞該督撫於開幫之日註明交兌月日
列疏題報如有遲悞按例議處

順治十二年

一江南省白糧向例令所僉丞簿經收隨時春
辦捆包及隨糧經費一併如期徵足起運康熙
十四年改設千總領運責令各州縣春辦完備
交與弁丁收受裝運照漕規出具通關實收報
明總漕康熙十五年題准白糧抵通照依浙江
例將全單送部查驗完糧掣回不必照舊起批
一白糧米色責令糧道監兌等官公同親驗如

有米色不純等弊指叅治罪各該州縣交兌時

卽將白糧樣米封貯運通以憑查驗

議單
舊本

一白糧起運總漕總河倉場並沿河督撫嚴檄

文武各官撥兵防護立行押送出境如有奸丁

逗留盜賣從重治罪

議單
舊本

一白糧交兌起運過淮抵通限期以及一切議

敘議處條例俱照漕糧一體遵行

康熙
六年

一白糧經徵督催各官完欠考成照漕糧考成

例議處

康熙
六年

一白糧改折經費銀兩原係白糧項下應徵之

款與白糧一例考成

康熙十七年

一白糧項下減存經費銀兩係解部之項如不

預行詳請擅自動用將擅動之官題叅銀兩著

令賠完

康熙三十三年

一白糧船隻過閘之年不給閘月銀米

康熙四十五年

一江南省運白糧船向例按米支給經費銀兩

康熙十四年題請裁減康熙四十二年請每船

給飯米三十六石每石折銀一兩五錢康熙四

十三年題准全行裁革照漕例支給行月贈貼
銀米康熙五十四年奏銷案內准給飯米每石
七升二合康熙五十六年題定每石於原給贈
銀一錢四分五釐之外補給銀二錢二釐共給
銀三錢四分七釐照浙江省漕截之例在道庫
減存銀內支給

一浙江省運白糧船所給經費銀米向按實運
船數派給康熙十四年題請裁減康熙二十六
年復請照舊加給康熙四十三年題准全行裁

革照漕例支給行月銀米並每石給漕截銀三錢四分七釐康熙四十九年題准加給每船飯米三十四石三斗每石折銀一兩二錢於道庫減存銀內支給

一白糧向係尾漕而進每年於丁字沽起撥每石徵給銀一錢二分嗣因漕船運白責令領運各官俱以漕船抵通毋許丁字沽起卸所有應徵丁字沽銀兩於康熙二年題明裁減解部江南省白糧到通紅撥銀兩

舊例直隸香河等處有官地七千餘頃佃

人不收租息自備紅銀撥運漕糧後
改徵租給丁自雇謂之紅銀兩
康熙五十

六年題准照浙江省例一體扣解

一江南省白糧項下額編量斛束包挑選夫役
工食銀兩盤運耗米向例按數支銷雍正三四
等年奏銷案內駁追雍正八年欽奉

特旨照數支給

一江南運白船隻例於通漕船內抽選五年更
替因五年之內旗丁消長無常致有丁力漸疲
船身朽壞之弊乾隆元年題准於每年未兌之

先責令該道赴次查驗如運丁力疲船不堅固者另選殷丁補運

一浙江省白糧幫船康熙四十三年題定五年抽調嗣於乾隆七年題准白糧幫丁均令長運永免抽調

一江南省應徵糯米係蘇松常太四府州徵解乾隆二年欽奉

上諭減徵白糧題准松太二府州糯米免徵該省應解白糯米在於蘇常二府驗派兌運

一浙江省嘉湖二府應徵白糯米石浙省素不產糯乾隆七年題准隨漕統徵粳米官爲易糯春辦兌運

一江南運白船隻例於通省漕船內抽選掣運五年一次更替乾隆十六年奏准五年調換爲期太久酌定運白三次之後卽行另選調運

一戶部奏准江浙二省額運白糯米九千石遞年積存愈多或致紅朽請將江蘇省乾隆四十年起運四十年分應解三千七百九十六石

內祇須解運二千二百石浙江省應解五千二百餘石祇須解運二千八百石其餘暫行改徵粳米自四十二年徵運四十一年分起該二省於額運九千石內以八千石起運其餘一千石俱令改徵漕糧所有運到白糯米以七千六百五十石派貯中西二倉以三百五十石派貯內倉

足敷歲需

乾隆四十年

一乾隆四十一年起運四十年分嘉興府原額白糯米三千一百六十一石零仍運糯米一千七

百一石零改運白粳一千四百六十石零湖州
府原額白糯米二千四十二石零仍運白糯米一千
九十八石零改運白粳九百四十三石零

乾隆四十年

一蘇松常太乾隆四十年分夏秋被災應徵白

糧於熟田漕糧內通融辦運來年徵收仍作漕

糧起運

乾隆四十年

一江南蘇州府白糧幫於過淮時每船帶搭江

淮三幫潮溼米五石易換日食好米赴通交納

因該幫起運白糧在水次即將行五等米舂白
上船以資日食原杜糙白拋撒之弊並無另有
漕米卽將交竣白糧所餘白粳白糯米抵交江
淮三幫潮涇米石尙有餘贖白糧照例領價

嘉慶

十四
年

一豫省應運白麥先經倉場奏明照江浙二省
起運白糧之例儘數派歸一幫裝運於平山前
後臨清前後徐州前後等六幫挨次輪裝嘉慶
十八年分白麥輪派臨清前幫裝運十九年分

白麥輪派臨清後幫裝運因嘉慶十八年分白麥停運該撫將十九年額徵帶徵白麥分派臨前臨後二幫裝運與儘歸一幫裝運奏案不符咨令將二十年額徵帶徵白麥儘數派歸臨後一幫裝運以符奏案

一嘉慶二十五年蘇州後幫撥運白糧旗丁吳柏病故所遺船隻應在選餘船內遴選頂運遺船歸漕僉選接頂因正屆價兌開行之際漕白各船均已受兌未便更張貽誤咨准令伊堂姪

吳楨祥暫行接管兌運

一道光三年蘇省被災應徵白糧米石次年帶
徵搭運因米數較多船有定額勢難一運併裝
奏准將緩徵白糧正耗米共四萬六千二百五
十四石勻分兩年搭運各就各屬水次按船灑
帶分裝此內有分三限催徵者其末限應徵之
米先於徵收初二限緩漕款內撥解足額屆期
徵還卽作爲緩漕起運仍將應運應徵米數分
別造報應給各款銀米卽照加裝米石按數覈

給

一易州白糧例於江浙二省五府白糧內按年挨次輪派道光六年應輪派蘇州白糧幫因該幫已歸海運咨准改派浙省湖白幫內截撥責丁運至白溝河倉兌收並免另籌腳費道光七年咨准補派蘇白幫以昭平允

一江蘇省白糧丁船如有事故例應歸漕僉選於本幫選餘船內揀選頂補道光六年常州白糧幫與長淮頭幫軍船俱係停泊河北同一接

運外省漕糧並無漕白之分所有常白幫田漕
病故遺船咨准令伊子田富春暫管接運俟冬
間駕歸漕幫兌運另於本幫選餘丁船內揀選
頂運白糧

一蘇州白糧幫丁常椿病故應於各幫舊船內
揀選殷實之丁接運惟該所年第十合例船內均
難派入白糧新丁常浩在幫營運殷實咨准接
運免其另選飭取丁殷船固運白無誤認保各

結送部

道光
六年

一道光六年浙省各幫起運各年餘米曬颺以
及失風米石均經奏准緩交其白幫應帶交上
年失風米石係奏後續令帶交惟各幫米石均
已緩帶若該幫仍令購運未免向隅經漕督咨
准緩俟下運帶交以紓丁力

一道光六年浙江湖州白糧幫撥船在清河縣
地方失風沉涇白梗白糯米石經漕督奏明黃
河以北非產白糧之所無處買賠准其於冬
起運時照數買補搭解